

O FAIR A-NALL AM BOTUL

[Iain MacMhurchaidh, Ceann t-Sàile]

Seist

O fair a-nall am botul
E cùm thall am bodach
Nuair a chuireadh e oirnn sogan
'S e 'm botul bu docha leinn

Lion a h-aon dhiubh lion a dhà dhiubh
Na biodh cùram ort mun phaigheadh
Mar a tachair e san laimh rinn
Ni seiche na bò dàir an t-suim

Bitheamaid cridheil bitheamaid ceòlmhor
Gabhair gach nì mar is còir dhuinn
As a bheagan cinnidh mòran
Tuilleadh 's na dh'fhònas a chaoidh

Fear is motha cuid den t-saoghal
Bidh e strì ri tuilleadh fhaotainn
'S ma gheibh sinne biadh is aodach
Cha toir esan maoin don chùll

Carson a bhiodh oirne gruaimhean
Ged a mhuin an t-Earrach cruaidh rinn
Gheibh sinn creideas feadh na tuatha
A nì suas na thug e dhuinn

'S beag mo shunnda ris an àiridh
Far an do dh'fhàg mi mo chrodh àlainn
'S gun bhith ann dhiubh ach na cnàmhan
'S iad gun bhliochd, gun dàir, gun laogh

Bhean an taighe, ghaoil an fhortan
Aiseig dhuinn a-nall am botul
Olaidh sinn gu sunndach deoch dhe
Chum na bochdainn chur air chùll